



ISLAMSKA ZAJEDNICA U BOSNI I HERCEGOVINI

Medžlis Islamske zajednice Tešanj

Izvršni odbor

GODINA XV
Broj: 1/58

BILTEN

Januar-mart 2020.g.
rebiulahir-redžeb 1441.h.g.

Interno informativno glasilo Medžlisa IZ-e Tešanj

**Održana 3. sjednica skupštine
Medžlisa IZ-e Tešanj u VI sazivu - 23.02.2020.**



Na kojoj je usvojen Izvještaj o radu IO Medžlisa IZ-e Tešanj za 2019. g. sa Općim smjernicama za rad u 2020. i data saglasnost na Završni račun za 2019. godinu i Budžet za 2020. g., te uručene pohvale zaslužnim.

**Provedene mjere prevencije oboljenja od
korona virusa (Covid - 19) 12. 03. - 31. 03. 2020.**



Izvršena dezinfekcija džamija, obustavljena mektepska nastava i održavanje javnih skupova, a od 18.03. se ne obavljaju dnevni namazi samo se uče ezani, džume se klanjaju u prisustvu imama i dž.o.- Džuma 20.03.2020.

TEMA BROJA: Nastavak projekta „Dodatnog institucionalnog odgoja i edukacije“ str. 4. i 5. i 8.



**Hamzibegova džamija, 01.02.2020. Hafiska dova
najmlađeg tešanjskog hafiza Mustafe Sinanovića.
Diplomu uručio mr. Husein ef. Smajić**



**Medžlis – 23.01.2020. održana promocija knjige bivšeg
banjalučkog muftije Edhem-ef. Čamdžića “S Ferhadijom
povratak, sigurnost i opstanak”.**

PREPORUKE ZA PREVENCIJU ŠIRENJA KORONA VIRUSA – COVID-19

Najčešći ljudski korona virus uzrokuje blage do umjerene bolesti gornjih disajnih puteva, kao što je prehlada (glavobolja, kašalj, grlobolja, povišena temperatura, otežano disanje), a u kasnijem stadiju upala pluća i zatajenje rada bubrega.

Ako se pojave prvi simptomi ne treba ići u zdravstvene ustanove nego ih telefonom kontaktirati.

Izbjegavati velike skupove ljudi i što više se zadržavati kod kuće.

Održavati socijalnu distancu – potrebno je držati distancu od najmanje jedan metar između vas i drugih ljudi, posebno onih koji kašlju, kišu i imaju povišenu temperaturu.

Izbjegavati bliski kontakt sa osobama koje imaju akutnu respiratornu infekciju, koristiti hiruršku masku i rukavice.

Učestalo prati ruke toplom vodom i tečnim sapunom, u nedostatku koristiti dezinficijens na bazi alkohola.

Konзумirati adekvatno termički obrađene namirnice, posebno meso.

Pojačati higijenske mjere okoline (čišćenje, dezinfekcija, provjetravanje).

**RIJEČ UREDNIKA
BISMIL-LAHIR-RAHMANIR-RAHIM**

Poštovani čitaoci!

Još jedna kalendarska godina je iza nas, godina u kojoj je Medžlis IZ-e Tešanj nastavio sa kontinuiranim, iz godine u godinu, nizanjem rekordnih mjerljivih rezultate u svom radu, te će i 2019. godina ostati upamćena po tim rekordima: prikupljen rekordan iznos sredstava zekata i sadekatu-l-fitra, prikupljen rekordan iznos sredstava za socijalno-humanitarne aktivnosti, prikupljen rekordan iznos sredstava članarine, obavljen rekordan broj šerijatskih vjenčanja – 232, upisan rekordan broj djece u obdanište "Revda" – 51, održan rekordan broj edukativnih sadržaja i radionica za žene - 42, kroz rad sa NVO proveden napredni kurs islama "Biti čovjek" i takmičenje u hifsu kroz koje su obezbijedena rekordna sredstva za nagrade i obavljen jedan hadždž, 4 umre...), Tu su još i završetak radova na Ifazi restauracije Gazi Ferhadbegovog vakufa – objekat Kahva - uz prisustvo svečanosti reisu-l-uleme IZ-e u BiH dr. Huseina ef. Kavazovića, službeni početak rada Škole Kur'ana sa dvije hafiske dove mladih hafiza svršenika srednjih škola u Tešnju, 10 uvakufljenih parcela površine 20.690,00 m², 190 vakufnima Vakufske direkcije za uvakufljena novčana sredstava, izlazak iz štampe knjige "Tragom Gazi Ferhad-bega 1909-2019" sa prikazom institucionalnog rada i fotografija ljudi nosilaca tog rada od konstituisanja provog autonomnog organa Medžlisa IZ-e Tešanj 1909. godine do danas – prva ovakve prirode na području BiH, te već tradicionalni projekti: dodjela nagrade i priznanja iz Fonda „Hasan ef. Škapur“ (mr. Mirza ef. Mešić,) stipendije maturatnima medresa, međunarodna manifestacija „Večer Kur'ana“ u Novim Miljanovcima (u okviru programa Rijasetu IZ-e o obilježavanju Dana džamija), iftar za profesore odgojno-obrazovnih ustanova u BiH, kurs islama za srednjoškolce, kursevi Engleskog, Turskog i Njemačkog jezika, radionice i druženja mreže mladih te projekat „energetske efikasnosti“: utopljanje objekata – na 3 džamije stiropol-fasada, zamjena drvene i metalne stolarije novom pvc – na 2 džamije, 2 mesdžida i 2 vakufske kuće, zamjena centralnog grijanja na ugalj grijanjem na pelet – u 3 džamije, 3 vakufske kuće i 1 mesdžid, zamjena klasične led rasvjetom u 3 džamije i munare.

Od novih planiranih aktivnosti u 2020. izdvajamo: „Početak aktivnosti na obnovi rada Gazi Ferhad-begove medrese u Tešnju“, „Nastavak projekta restauracije i rekonstrukcije kompleksa vakufa Gazi Ferhad-bega (džamije i munare)“, „Stavljanje u funkciju rekonstruisanog objekta "Kahva". Pozivam vas da nam se pridružite i da zajednički nastavimo sa rekordnim pokazateljima i u 2020.

Aktivnosti IO Medžlisa IZ-e :

Održana 10. redovna sjednica IO – 11.02.2020. na kojoj je razmatran dnevi red od 10. tačaka i usvojeni: Zapisnik sa 9. redovne sjednice i informacija o realizaciji zaključaka, Izvještaj o radu administrativno-pravne službe Medžlisa za 2019. godinu, Izvještaj o radu vjersko-odgojno obrazovne službe za 2019., Završni račun Medžlisa i džemata za 2019. i Budžet Medžlisa za 2020., opće smjernice za rad IO u 2020., Odluka o dodjeli pohvala IO za rad u 2019., Odluka o potrebi dogradnje džamije u Trepču, Odluka o imenovanju džematskih blagajnika, Odluka o postavljenju sergije za pomoć u liječenju Muslija Rusmira i dr. Sjednicom je predsjedavao predsjednik IO Zehrudin Kruško, a prisustvovali svi članovi IO.



Održana 11. redovna sjednica IO – 10.03.2020. na kojoj je razmatran dnevi red od 7. tačaka i usvojeni: Zapisnik sa 10. redovne sjednice i informacija o realizaciji zaključaka, Informacija o održanoj 3. redovnoj sjednici Skupštine Medžlisa sa prijedlogom odgovora na zastupnička pitanja, Oduka o izmjeni i dopuni Odluke o zakupu vakufskih nekretnina za 2020., Pravilnik o radu Medžlisa IZ-e Tešanj, Pravilnik o organizaciji i sistematizaciji radnih mjesta Medžlisa IZ-e Tešanj, Pravilnik o platama Medžlisa IZ-e Tešanj i dr. Sjednicom je predsjedavao predsjednik IO Zehrudin Kruško, a prisustvovalo 13 članova IO.



POZIV NA SARADNJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis.

Posjetite našu web stranicu i dostavite vaše ideje na naš e-mail

naša web stranica: www.miztesanj.ba; javite nam se na e-mail: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača predsjednik IO Zehrudin Kruško.

Glavni i odgovorni urednik: mr. Fuad ef. Omerbašić, tekst i foto Rašid Orlović.

Redakcija: Dževad ef. Hasanbašić, mr. Enver ef. Kurtić, hafiz mr. Almir ef. Hadžić i Suljo ef. Djedović prof.

Saradnici imami MIZ-e Tešanj.

Hutba Njegove eminenције reisu-l-uleme IZ-e u BiH dr. Husein ef. Kavazovića u Gazi Husrev-begovoj džamiji 20.03.2020.

Hvaljen neka je Allah. S Njegovim imenom počinjemo svaku besjedu i govor, sve dobre postupke i poslove naše. On je Gospodar svega: znanog i neznanog, vidljivog i nevidljivog. Neka je blagoslovljen poslanik Muhammed, a.s., plemeniti i iskreni posljednji vjerovjesnik među ljudima, njegova porodica i njegovi sljedbenici u svim vremenima!

Zamolimo Uzvišenog Allaha u ovom odabranom danu, u danu našega zajedništva: za ljubav i blagoslov u našim porodicama, za ljubav i slogu u našim džematima i našoj zajednici, za ljubav i poštovanje među različitim narodima, koji su braća i sestre, rođeni od jedne majke i jednog oca. Dragi vjernici, poštovani džematlije! Svakom zorom Allah najavljuje Svojim stvorenjima novi dan i novu nafaku, a svakom večeri nas vodi na počinak i odmara za novi dan. Ovaj ciklus se ponavlja iz dana u dan, od kako je Bog stvorio nebesa i Zemlju. Mi vjerujemo u jednog Boga, Gospodara svjetova. Vjerujemo da nema snage i moći do u Allaha. On je stvorio ovaj divni svijet iz Svoje dobrote i milosti. Allah o Sebi kaže da je „**Gospodar nebesa i Zemlje i onoga što je između njih, ako čvrsto vjerujete; drugog boga osim Njega nema; On život i smrt daje. – Gospodara vašeg i Gospodara vaših predaka drevnih!**“ (Ad-Duhan, 7-8.) Kod onih koji budu vjerovali u Njega i molili Ga Njegovim lijepim imenima, dobra djela činili, a od ružnih odvrćali, i ljudima lijepe riječi govorili, vjera će rasti, duše na ovom svijetu biti zadovoljne (i On s njima zadovoljan), a njihovo bratstvo i međusobno povjerenje u zajednici iz dana u dan biti jače i snažnije.

Za takvo ovozemaljsko postignuće, za taj vrhunac života i sreće, jedna je staza, jedan utabani i lijepi put. To je svjesna i voljna pokornost i predanost Bogu Jedinome, Njegovoj odredbi i Njegovom vjerazakonu. To je duga i beskompromisna borba sa sobom, sa svojim lijenostima i ograničenjima, sa svojim sklonostima ka lošem i zlu, ka olahkoj osudi drugih i s brojnim predrasudama o drugima... Islam je put na koji je Bog uputio Adema (a.s.), kako bi ga vratio njegovoj iskonskoj prirodi. I za nas je to smjer u kojem se trebamo kretati u ovom životu: Allah nas je stvorio u najljepšem obliku, *ahseni takvimu*, i dao nam je sistem vjerovanja, ponašanja i djelovanja pomoću kojeg možemo proživjeti naš život upravo tako. A ima li išta ljepše od *ahseni takvima*? Vjera u Boga, dobročinstvo prema roditeljima i rodbini, prema siročadi i siromasima, prema braći i sestrama, ali i naš namaz, i naš zekat, i naša dobra djela, sve su to niti od kojih je ispredeno Božije uže, za koje Allah kaže: „**Svi se Allahovog užeta držite i nikako se ne razjedinjujte**“. Nema niti jedne zajednice ili naroda u povijesti ljudskog roda koji je raspleo to uže, zanemario Božije riječi, a da mu vjera nije oslabila, ideal ishlapio, duša postala ravnodušnom, a on stradao ili bio izgubljen u vremenu i prostoru. Muslimane okuplja poziv islama koji odjekuje Zemljom punih 14 stoljeća: Allah je najveći, on je Gospodar svjetova. Staza islama ispunjena je trudom i naporom muslimana, čestitih muškaraca i žena, koji žive svoju vjeru dostojanstveno, kao ljudi, u miru s drugima, na Božijoj zemlji, poštujući Božiju riječ i služeći ljudima. Tokom povijesti, bilo je mnogo teških trenutaka, godina i stoljeća za zajednicu muslimana. O tome svjedoči i život Muhammeda, a.s. On je ponižavan, mučen glađu i proganjan. U najtežim mukama su ubijani i mučeni njegovi sljedbenici. Tako ostavljeni i nezaštićeni od ljudi, snagu i oslonac su našli u svojoj vjeri u Boga i dobroti Muhammeda, a.s. Vjerovali su u Božiju riječ da mukama mora doći kraj, i da ih čekaju mir, spokojstvo i nagrada na Sudnjem danu. I tada, u teškim prilikama punim kušnji i izazova, kada strah ovlada osjećanjima, uz Vjerovjesnika su našli smiraj, svoju vjeru i put spasa. U njihovim dušama ugnijezdila se misao o neprolaznoj vječnoj istini, kojoj su se zaputili i koja je ispunila njihovo biće. Draga braćo i sestre! Ono što vjernika čini vjernikom jeste njegova duboka vjera u Boga i njegovo providenje. Ponekada se i nama njegov naum čini iskušenjem, a ponekada ga slabo razumijemo, pa ga se bojimo i strepimo od njega. Dva su straha našeg vremena koje moramo nadići s vjerom u Boga. Strah od čovjeka koji migrira i bolesti koja se širi. Znajmo da vrijeme rasijava ljude po zemlji, kao što vjetar rasijava sjemenje. Allah je sijač ljudi na tim velikim i nepreglednim zemaljskim oranicama, od postanka svijeta do danas. Bog čini da vjetar puše kada On hoće i da stane kada On hoće. Ljudi ne mogu stvoriti vjetar kojim bi rasijali ljude, ali mudraci znaju kako da načine jedro, da uhvate vjetar i da pomoću njega plove ili pokreću boljitak. Braćo i sestre! Naša vjera u Boga ovih dana je na velikoj i ozbiljnoj kušnji. Preпали smo se bolesti. Zanimarili smo temeljnu Božiju poruku o kojoj nam govore i Biblija i Kur'an: život je satkan od iskušenja koja nas prate na našem zemaljskom putovanju. Nemojmo slušati nadri učitelje kako nas plaše Kijametskim danom i dizanjem Allahove milosti od nas. Subhanallah! Kao da to mi, ovako malehni i beznačajni, možemo i nazrijeti a kamoli znati. Umjesto straha, naučimo ljude da se boje Boga i da vole druge. Naučimo ih da obavljaju molitvu, da se brinu o svojim roditeljima i svojim bližnjima, da poštuju svoje komšije i da s njima saosjećaju u teškoći i raduju se u radosti. Naučimo ih da poštuju svačije pravo, da ne lažu, da ne krađu, da ne čine preljubu, da se ne boje ljudi. Stoga, nadiđimo strah. Budimo čvrsti i jaki, hrabri i odvažni! Ne dozvolimo da robujemo strahu od bolesti koja nas može i zaobići, ako se pravilno i odgovorno postavimo. Moramo u sebe istinski primiti Božije riječi: „**To vas je samo šejtan plašio pristicama svojim, i ne bojte ih se, a bojte se Mene, ako ste pravi vjernici!**“

O pošasti koja nas je snašla mislimo kao o još jednom testu naše vjere, plemenitosti i odlučnosti. Budimo hrabri u njegovom polaganju. Jer, on će proći, a istinska predanost Bogu i čvrstina uvjerenja u Njegovu milost trajne su vrijednosti.

Sjetimo se da nam Allah može svakog časa donijeti olakšicu i izbaviti nas iz nevolje u kojoj smo se našli. Sjetimo se poruke koju nam je uputio naš voljeni Pejgamber: „*Svakoj bolesti ima lijeka osim od smrti*“.

Vodimo računa o sebi, o svojoj svakodnevnoj higijeni i o mogućnostima da se bolest i na nas proširi. Ako imamo imalo sumnje u nju ni časa nemojmo oklijevati. Možda takva naša odlučnost bude dragocjena u našem spašavanju i spašavanju onih oko nas.

Pridržavajmo se uputstava za ponašanje u ovoj situaciji. Naša su srca shrvana zbog teške odluke da ni u džamije ne idemo. No, ako ćemo i tako doprinijeti sprječavanju zaraze, onda neka naša srca budu vesela što smo, u ime Boga, poslušali one koji su najodgovorniji među nama. U ovim danima koji su pred nama oslonimo se na naše dove i na znanje naših ljekara.

Razumimo ovo kao Božiji znak kojeg nam daje. Samo vjerom možemo pobijediti strah. Danas vam velim isto ono što je Musa, a.s. govorio narodu svom kada ga je obuzeo strah od Faraona: „**I Musa reče: „O narode moj, ako u Allaha vjerujete, u Njega se pouzdajte ako ste muslimani. U Allaha se uzdamo! rekoše oni. Gospodaru naš, ne učini da zbog nas dođu u iskušenje ljudi koji nasilje čine, i spasi nas, milošću Svojom, od naroda koji ne vjeruje! I Mi objavismo Musau i bratu njegovu: „U Misiru narodu svome kuće izgradite i bogomoljama ih učinite i u njima molitvu obavljajte! A ti obraduj vjernike“.** (Junus, 84-87.) „**Gospodaru naš, ne dopusti srcima našim da skrenu, kad si nam već na pravi put ukazao, i daruj nam Svoju milost; Ti si, uistinu, Onaj koji mnogo daruje! Gospodaru naš, Ti ćeš sakupiti ljude na Dan u koji nema nikakve sumnje. Allah će zaista održati obećanje**“.

(Ali Imran, 8-9.) Gospodaru naš, pomozmi nam u borbi protiv ove kušnje i učini da iz nje izađemo jači. Amin!

TEMA BROJA**NASTAVAK PROJEKTA „DODATNOG INSTITUCIONALNOG ODGOJA I EDUKACIJE“**

U cilju promoviranja potrebe cjeloživotnog institucionalnog odgoja i edukacije Medžlis IZ-e Tešanj je i u periodu januar – mart 2019. nastavio projekat „Dodatnog institucionalnog odgoja i edukacije“, izdajamo:

1. Tribine „U susret Ramazanu 2020/1441“

Po ugledu na prošlogodišnju uspješnu praksu u okviru priprema za doček Ramazana održano 5 tribina u džematima, od planiranih 8 (3 odgođene u okviru prevencije oboljenja od korona virusa)

R.br.	Džemat	Vrijeme	Uvodničar	Tema
1.	Jablanica	01.02.2020.	Esad ef. Smajić prof.	„Šejtan je doista čovjekov otvoreni neprijatelj“.
2.	Kalošević	08.02.2020.	Dževad ef. Hasanbašić	„Kako pobijediti sebe“
3.	Šije	22.02.2020.	Hajrudin ef. Delić	„Tevba i njen značaj za vjernika“
4.	Dolac-Kotlanice	29.02.2020.	Mirnes ef. Alić	„Nadmetanje“
5.	Harman	07.03.2020.	Haris ef. Zahirović prof.	„Kraj je bolji i važniji od početka“



Jablanica



Kalošević



Šije



Dolac-Kotlanice



Harman džamija – obraćanje glavnog imama



Obrada teme

2. Džematske tribine

Hamzibegova džamija: 05.02.2020. – održana tribina na temu „Vrijednost vremena“ koju je prezentirao mr. Aljo ef. Cikotić.

06.03.2020. održana tribina na temu «Dostojanstvo je u nezavisnosti» koju je prezentirao hafiz Ammar ef. Bašić.

Dobropolje-Mekiš – 17.01.2020. – Održana tribina na temu „Vjera i povjerenje“ koju je prezentirao muftija zenički hafiz dr. Mevludin ef. Dizdrević.

Piljužići – 16.02.2020. - Održana tribina „Šest prava muslimana kod drugog muslimana“ koju je prezentirao Nezim ef. Halilović Muderris, uz prigodno obraćanje glavnog imama.



3. Halke Sufare i Kur'ana

Karadaglije-Koprivci-Oručje – 15.01.2020. - Uručene svjedodžbe o završenoj Sufari za 7 odraslih novih učača Kur'ana: Alispahić Rabija, Softić Nisveta, Hajrić Halima, Halvadžić Senada, Halvadžić Nevres, Halvadžić Nevresa i Halilović Sabiha.
Trepče – 15.03.2020. - Uručene svjedodžbe o završenoj Sufari za 3 odrasla nova učača Kur'ana: Ljevak Mirela, Ljevak Ismet i Kalabić Mersid.

Jevadžije – 23.02.2020. Uručene svjedodžbe o završenoj Sufari za 11 odraslih novih učača Kur'ana: Saltagić Remzija, Jusufović Šemsa, Meša Ibro, Hasanićević Eldin, Omerović Alen, Jašarević Edin, Bešlagić Niza, Dizdarević Šefija, Hrnjić Sabiha, Mahmutović Aida i Čamo hadži-Zekija.



Ljetinić – 27.02.2020. Uručene svjedodžbe o završenoj Sufari za 11 odraslih novih učača Kur'ana: Ahmić hadži Muharem, Hankić Samir, Hankić Muhamed, Hankić Maid, Čamdžić Nedim, Hadžanović hadži-Safida; Hadžan Meliha, Čamdžić Zlata i Alibalić Indira



Čarši-džamija – 25.02.2020. Proučena hatma dova i uručene svjedodžbe o završenoj hatmi 14 odraslih polaznika halke Kur'ana: Dolamić Ejub, Dolamić Hasan, Halilović Mujo, Bejtić Suljo, Ruštić Emira, Smailbegović hadži Besim, Smailbegović hadži Fatima, Ramović Delva, Ajanović hadži Razija, Bijedić hadži Maida, Kurtić Fuada, Klokić Sabiha, Terzić Saliha i Prnjavorac Vahdeta.



Harman džamija – 19.03.2020. Proučena hatma dova i uručene svjedodžbe o završenoj hatmi 5 odraslih polaznika halke Kur'ana: Korkić Edin, Dolamić Ejub, Kobilica Amir, Mujkić Nijaz i Deljković Edin.



Novi Miljanovci – 06.03.2020. Proučena hatma i uručene svjedodžbe o završenoj hatmi za 9 odraslih: Brković Rukija, Čerić Minela, Hadžan Muhiba, Mujkanović Semina, Pazara Mirnesa (druga hatma), Okić Čamila (druga hatma), Smajić Adem, Čerić Husejin i Orlović Mujo. Planirana manifestacija Hatma dova zbog prevencije bolesti od korona virusa nije održana.

4. Promocije knjiga

Medžlis – 23.01.2020. U prepunom atriju Medžlisa održana promocija knjige bivšeg banjalučkog muftije Edhem-ef. Čamdžića "S Ferhadijom povratak, sigurnost i opstanak". Promotor knjige pored autora bio je i glavni imam.



Medžlis – 18.01.2020. Održana promocija knjige „Radosne bilješke vježbe za sretno srce“ autorice dr. Tamare Grey. Promotori: Meliha Terzić, Azra Fazlović i Azra Hasanović Moderator Fatima Čeman.



5. Mevludi

Oraš Planje - 27.02. 2020. Proučen Mevlud i obilježena mubarek noć Lejletu-r-regaib poslije akšam- namaza uz prigodno obraćanje džematskog imama Muris ef. Mahalbašića prof. i glavnog imama.

Kutahya džamija – 02.02.2020. Proučena dova i Mevlud za šehide u povodu 25. godišnjice formiranja 375. oslobodilačke brigade. Na šehide podsjetio vojni imam ove brigade Fuad ef. Čeman, a dirljivo prigodno predavanje održao glavni imam.



Novi Miljanovci – 15.02.2020. Proučena hatma dova i tradicionalni Mevlud za šehide uz prigodna obraćanja džematskog imama Bersad ef. Kozlića prof., glavnog imama i glavnog imama Medžlisa IZ-e Zenica mr. Jakub ef. Salkice.



Održana 3. redovna (2. izvještajna) sjednica Skupštine Medžlisa IZ-e Tešanj u VI sazivu

Održana 3. redovna sjednica Skupštine Medžlisa IZ-e Tešanj (u VI sazivu) – 23. 02. 2020. u atriju Medžlisa IZ-e Tešanj sa početkom u 12,30 sati kojoj su prisustvovali 41 zastupnik (od 58 izabranih), muftija zenički hafiz dr. Mevludin ef. Dizdarević, pomoćnik muftije za vjerske poslove Edin ef. Kavazović prof. i glavni imami medžlisa sa područja muftijstva.

Sjednicu je sazvao i istu otvorio predsjednik IO Zehrudin Kruško, nakon čega je, izabrano radno predsjedništvo u sastavu: Muhamed Agić predsjedavajući, Mirnes ef. Alić član i Kasim Halilović, zapisničar.



Radno predsjedništvo i predsjednik IO

Na početku rada sjednice prisutnima se obratio predsjednik IO Zehrudin Kruško



Nakon čega se prisutnima obratio i glavni imam Medžlisa IZ-e Tešanj mr. Fuad ef. Omerbašić.



Na sjednici je usvojen:

- Izvještaj o radu IO za 2019. sa Općim smjernicama za rad u 2020. godini, te data saglasnost na:
 - Završni račun Medžlisa za 2019. i Budžet za 2020. godinu.
- U svojstvu gosta prisutnima se obratio i čestitao na Izvještaju i ostvarenim rezultatima Edin ef. Kavazović prof., pomoćnik muftije za vjerske poslove.
- U toku rada sjednice prisutnima se obratio i muftija zenički hafiz dr. Mevludin ef. Dizdarević.



U svečanom dijelu sjednice dodijeljene su pohvale IO postignuti uspjeh u radu za 2019. godinu:



Sulji ef. Djedoviću, imamu džemata Dobropolje-Mekiš.



Fikretu Hukiću, predsjedniku dž.o. Kalošević



Jasminu Šišiću, blagajniku džemata Raduša

U toku sjednice u diskusiji su učestvovali zastupnici: Ibrahim Čamdžić – Ljetinić, hadži Bećir Jašić – Dolac-Kotlanice, Ibrahim ef. Omerbašić – Karadaglje Koprivci-Oručje, Kasim Huskić – Oraš Planje i Enver Kotorić – Bukva.



Prisutni gosti na čelu sa muftijom



Prisutni zastupnici na sjednici

6. Dodatne mektepske aktivnosti

Takmičenje muezzina polaznika mektepske nastave:

Na nivou Medžlisa održano u džematu Jelah 19.01.2020.

1. Mjesto – Omeredi Samed, Šareni mekteb.
2. Mjesto – Halilović Ishak, Karadaglije-Koprivci-Oručje
3. Mjesto – Smajić Vedad, Novo Selo,

Na novou muftiluka zeničkog održano u Zavidovićima 25.01.2020. na kome je Ishak Halilović osvojio 2. mjesto.



Turnir u malom fudbalu – 22. i 23. januara 2020. održan u dvorani HIFA OKTAN u džematu Vukovo.

Na ovom zanimljivom dvodnevnom turniru učestvovala su ekipe tešanjskih mekteba, a pobjednici su bili:

1. mjesto – ekipa mekteba Karadaglije-Koprivci-Oručje,
2. mjesto – ekipa džemata Raduša,
3. mjesto – ekipa džemata Kalošević i
4. mjesto – ekipa džemata Dolac-Kotlanice.



7. Rad sa ženama

Medžlis – 01.02.2020. Obilježen Dan hidžaba – podjelom prigodnih afiša i karanfila ženama prolaznicama na Čaršiji i druženjem žena i besjedom poslije jacie namaza u atriju.



Lepenica – 07.02.2020. – Druženje žena u džamiji poslije jacie namaza uz besjedu Asmire Garić prof.

Miljanovci – 06.03.2020. Druženje žena u džamiji poslije jacie namaza uz predavanje mr. Lamije Mehmedić i prisustvo žena tešanjskih džemata, Doboja, Kotorska i Teslića.



Tešanj; 18.02.2020.g. Održana izvještajna sjednica OO Ilmije Tešanj, pod predsjedavanjem radnog predsjedništva: Suljo ef. Djedović prof. i Dževad ef. Hasanbašić.



Na sjednici je usvojen Izvještaj o radu za 2019. godinu i završni račun za 2020. godinu.



U svečanom dijelu sjednice uručene su hedije najzaslužnijim distributerima štampe: Raif ef. Hasak prof, imam džemata Mijanovci; Bersad ef. Kozlić prof., imam džemata Novi Miljanovci; hafiz mr. Almir ef. Hadžić, imam džemata Jelah; Elvedin ef. Aličić prof., imam džemata Lepenica i mr. Enver ef. Kurtić, imam džemata Čarši-džamije.



Za jubilarne godine rada uručene su hedije: Omeru pobriću za 40 godina rada, hafizu mr. Almir ef. Hadžiću za 30 i Sulji ef. Bejtiću za 20 godina.



Na sjednici su uručene i prigodne novčane hedije penzionerima i udovima.

Proučena hafiska dova hafiza Mustafe Sinanovića

U subotu, 1. februara 2020. godine u Hamzibegovoj džamiji proučena je hafiska dova i u hafiza Kur'ana Časnog promoviran najmlađi tešanjski hafiz Mustafa Sinanović. Diplomom hafiza Kur'ana Mustafa je uručio zamjenik reisu-l-uleme mr. Husein ef. Smajić, a dovu proučio muhafiz hafiz Ahmed ef. Bukvić, kome je Mustafe 7. kandidat koga izvodi u časno zvanja Hafiza Kur'ana.



U prisustvu izaslanika Muftije zeničkog mr. Jakub ef. Salkice, roditelja, 12 hafiza (Kur'an su učili hafizi: Salem ef. Aletić, mr. Nermin ef. Ibrahimović, mr. Almir ef. Hadžić, Anes ef. Mulić, Almir ef. Salkanović prof., Hamdo Solo, Rasim Ibrahimkadić, Abdulah Haušić, Miralem Mahmutović, Sabit ef. Šiljić i Arif Omanović), rodbine, prijatelja, kolega iz medrese i velikog broja vjernika, glavni imam Medžlisa IZ-e Tešanj mr. Fuad ef. Omerbašić je prisutnima predstavio hafiza i muhafiza.



Mustafa Sinanović je sin hadži Nurije i hadži Tehvide, rođen u Tešnju 22. 05. 2003. Osnovnu školu je završio u Tešnju, a sada je redovan i odličan učenik 2 razreda Gazi Husrev-begove medrese u Sarajevu. Od 1. oktobra 2018. godine do 31.12.2019. godine proučio je hifz pred muhafizom, a pred komisijom IZ-e u Sarajevu uspješno je položio hifz za deset dana učeći po tri džuza dnevno od 06. do 15. januara 2020. Hafiz Mustafa je 23. poslijaratni tešanjski hafiz.



Hafiz sa porodicom i muhafizom

Na kraju programa mr. Husein ef. Smajić je uručio zahvalnicu Gazi Husrev-begove medrese Sarajevo glavnom imamu.

**Infrastruktura**

Sjedište Medžlisa – U februaru Okrečena unutrašnjost objekta, a 13.03.2020. izvršena dezinfekcija.



Lepenica – 12.02.2020. izgrađen novi predulaz u džamiju



Ljetinić, 18.03.2020. završeni radovi na uređenju džamije – unutrašnje krečenje, nova prostirka na predulazu, nova led rasvjeta i police za obuču.



Mesdžid Rosulje – 24.03.2020. završeno uređenje mesdžida – unutrašnje i vanjsko.



Jevadžije – 21.03.2020. izvršeno „utopljanje džamije“, postavljena nova stiropol fasada uz zadržavanja ranijeg izgleda.

